

Білім және тәрбие

Бала-біздің болашағымыз

З.АҚБЕРДИЕВА, №12 кітапхана маманы

Орталық №12 балалар кітапхана бөлімшесі-мектептің бір бөлігі. Жылдан-жылға кітапханамыз жаңа оқулықтар және журналдармен, әдеби кітаптармен толықтырылып отырады. Кітапханаға келген жас бүлдіршіндер ертегілер әлеміне еніп, кітапхана қорындағы «ЗД кітап», «Сиқырлы кітап», «Ашылмалы кітапша», «Балаларға базарлық», серияларымен шыққан кітаптарға өте қызығушылық танытты. «Кітап – білім бұлағы» демекші, осынау білімнің тұнық та мөлдір бұлағынан шәкірттерді сусындатып, олардың рухани дүниесін молайтып, ошағына айналып отырған кітапханамыз тарапынан жыл бойына әртүрлі тақырыпта іс-шаралар жүргізіледі. Мысалы, «Тәуелсіздік-таң нұры», «Құрметтейік кітапты», «Салауатты өмір салты», «Біз егеменді еліміздің болашағымыз» және тағы басқа да.

Жаз мезгілі- мектеп оқушылары үшін ерекше ықыласпен күтілетін уақыт. Жыл бойы сабақ барысында тоқсан арасындағы берілетін күндер демалыс болып есептелгенімен, жаз кезіндегідей демалыстың мол мүмкіндігін бере алмайды. Жазғы демалыс-мектеп оқушыларының жалпы физиологиялық, сана – сезімдік, дүниетанымдық тұрғыда даму, жетілу кезеңі.

Бастауыш және орта буын сыныптарының балалары үшін бұл уақыт тән – тұрпаттың табиғатпен ерекше үндестік тауып, дүниетанымының аясы кеңейетін, көзқарасы қалыптасып, үйренуге ықыласы артатын жылдың тамаша мезгілі.

Бала-біздің болашағамыз. Сондықтан да жаз мезгіліндегі бұл уақыт балалардың негізгі сабақтан, үйреншікті тіршілік әрекетінен босап, өзін қызығушылығымен айналысуына мүмкіндік береді. Кітапхана ұжымы қалалық №№6,9 жалпы білім беру мектептері және Ә.Бөкейханов атындағы мектеп-лицеймен бірлесе отырып, жазғы лагерьдегі балаларға қызықты көңіл сыйлап, түрлі сайыстар ұйымдастырып, балаларды рухани демалдыруда өз үлестерін қосты.

Ұйымдастырылған шаралардың қатарындағы ең қызықты әрі тартымдылары «Бұл қай ертегі?», «Ел жүрегі-Астана», «Тасқа сурет салу» және де орыс тілінде өткен сайыстар «Угадай мультфильм», «Спишите делать добро», тағы басқалары болды. Іс-шараларға белсене қатысқан балалардың білімдері бағаланып, сыйлықтармен марапатталды. Біз олармен «келер жылға бір жасқа өсіп қайта қауышайық, әрдайым кітапхананың тұрақты оқырманы болыңдар, өздеріңді сағына күтеміз» деп қимастықпен қоштастық.